



Broj 22-44-1153-11/17  
Datum: 04.09.2017.

Na osnovu člana 64. stav (1) tačka b), člana 70 st. (1), (3) i (6) Zakona o javnim nabavkama („Službeni glasnik Bosne i Hercegovine“, broj 39/14), člana 8. stav (2) tačka d) Pravilnika o uspostavljanju i radu komisije za nabavke („Službeni glasnik Bosne i Hercegovine“, broj 103/14) i člana 92. stav (3) Pravilnika o unutrašnjoj organizaciji Kantonalne uprave civilne zaštite, na Preporuku Komisija za nabavku, broj: 22-44-1153-10/17 od 31.08.2017. godine, u postupku javne nabavke roba: „Nabavka vatrogasnog tehničkog vozila“, direktor Kantonalne uprave civilne zaštite Kantona Sarajevo, d o n o s i

## **ODLUKU O IZBORU NAJPOVOLJNIJEG PONUDAČA**

### **Član 1**

Prihvata se Preporuka Komisija za nabavku, broj: 22-44-1153-10/17 od 31.08.2017. godine i Ugovor o nabavci i isporuci vatrogasnog tehničkog vozila, dodjeljuje se izabranom ponuđaču Konzorcija WEBO MARIBOR d.o.o. Maribor, HIDRAULIKA KURELJA d.o.o. Donja Stubica, EURO GV d.o.o. Ilirska Bistrica i EKO-BEL d.o.o. Trn – Laktaši (predstavnik grupe), prema ponudi br. 851-8/V-17 dostavljenoj dana 21.08.2017. godine za ponudenu cijenu nakon provedenog postupka e- aukcije od 663.000,00 KM (slovima: šeststotinašezdesetrihiljade KM) bez PDV-om, kao najpovoljnijem ponuđaču

### **Član 2.**

Izabrani ponuđač je dužan dostaviti original ili ovjerenu kopiju dokumenta iz člana 45. stav (1) tačka a) do d) Zakona o javnim nabavkama u roku od 5 (slovima: pet) dana, računajući od dana kada je obaviješten o izboru najpovoljnije ponude.

### **Član 3.**

Prijedlog Ugovora o nabavci dostavit će se na potpis izabranom ponuđaču nakon isteka roka od 15 (slovima: petnaest) dana, računajući od dana kada su svi ponuđači obaviješteni o izboru najpovoljnije ponude.

### **Član 4.**

Ova Odluka objavit će se na internet stranici Kantonalne uprave civilne zaštite Kantona Sarajevo ([www.kucz.ks.gov.ba](http://www.kucz.ks.gov.ba)), istovremeno sa upućivanjem ponuđaču koji su učestvovali u postupku javne nabavke, u skladu sa članom 70. stav. 6. Zakona o javnim nabavkama.

### **Član 5.**

Za realizaciju ove Odluke zadužuju se Kantonalna uprava civilne zaštite Kantona Sarajevo i Ministarstvo finansija, da izvrši prijenos sredstava po naredbi Kantonalne uprave civilne zaštite Kantona Sarajevo, u skladu sa planom Budžeta Kantona Sarajevo.

### **Član 6.**

Ova Odluka stupa na snagu danom donošenja, i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.



## Obrazloženje

Postupak javne nabavke pokrenut je Odlukom o pokretanju postupka javne nabavke broj: 22-44-1153/17 od 04.07.2017. godine.

Javna nabavka roba: Nabavka i isporuka vatrogasnog tehničkog vozila je sprovedena putem Otvorenog postupka, sa međunarodnom objavom postavljanjem TD na Portal javnih nabavki i provođenjem E-aukcije.

Procijenjena vrijednost javne nabavke (bez uključenog PDV-a) je do 700.000,00 KM. Obavještenje o nabavci je objavljeno na Portalu javnih nabavki broj: 282-1-1-37-3-15/17, dana 04.07.2017. godine.

Komisija za nabavku, imenovana je Odlukom broj: 22-44-1153-1/17 od 04.07.2017. godine.

Komisija za javnu nabavku dostavila je Direktorcu Zapisnik o pregledu i ocjeni ponuda broj: 22-44-1153-8/17 od 22.08.2017. godine, Preporuku o izboru najpovoljnijeg ponuđača broj: 22-44-1153-9/17 od 04.09.2017. godine i Izvještaj o radu broj: 22-44-1153-10/17 od 04.09.2017. godine, u postupku javne nabavke i isporuke vatrogasnog tehničkog vozila, a prema specifikaciji iz TD.

U postupku po Izvještaju o radu je utvrđeno da je Komisija za nabavku blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je u predmetnom postupku primljene 4 (četiri) ponude,
- da su blagovremeno primljene 4 (četiri) ponude,
- da nije bilo neblagovremeno primljenih ponuda,
- da su ponude ponuđača: Konzorcij WEBO MARIBOR d.o.o. Maribor, HIDRAULIKA KURELJA d.o.o. Donja Stubica, EURO GV d.o.o. Ilirska Bistrica i EKO-BEL d.o.o. Trn – Laktaši (predstavnik grupe), Konzorcij: ITC d.o.o. Zenica (predstavnik grupe) i ZIEGLER d.o.o. Zagreb, Konzorcij: FIRING d.o.o. Visoko (predstavnik grupe) i ROSENBAUER d.o.o. Gornja Radgona kvalifikovane i prihvatljive, dostavljeni su svi traženi dokazi propisani tenderskom dokumentacijom, na propisan način,
- da ponuda Grupa ponuđača: PASTOR M d.o.o. Mostar (predstavnik grupe) i FLAMMIFER d.o.o. Ozalj ne ispunjavaju sve zahtjeve u pogledu opisa predmetne nabavke i tehničkih specifikacija iz sljedećih razloga:

- u svrhu dokazivanja tehničke i profesionalne sposobnosti dostavljene su tri potvrde koje ne sadrže jasan navod da je u pitanju uspješna realizacija ugovora čiji je predmet javne nabavke isporuka vatrogasnih vozila, a što je traženo tačkom 15.1 tenderske dokumentacije;
- nije dostavljena kataloška dokumentacija za vozilo, hidrauličnu teleskopsku dizalicu (naziv proizvođača i tip) i ostalu hidrauličnu opremu i alate iz koje se jasno vidi da ponudena roba zadovoljava sve zahtjevane tehničke karakteristike a što su ponuđači bili dužni obavezno dostaviti kako je propisano tenderskom dokumentacijom u Aneksu 10. - Tehnički opis vatrogasnog tehničkog vozila sa pripadajućom opremom.
- nije dostavljen tehnički list proizvođača za upozoravajući uređaj za vozača za sistem protiv prevrtanja vozila u vožnji, a što je traženo tenderskom dokumentacijom u Aneksu 10. - Tehnički opis vatrogasnog tehničkog vozila sa pripadajućom opremom na str 31 - Upozoravajući uređaj za vozača, sistem protiv prevrtanja vozila u vožnji.
- da je provedena E-aukcija putem informacijski sistem E-nabavke dana, 30.08.2017. godine.

U postupku donošenja ove Odluke, posebno su cijenjene činjenice da je Komisija za nabavku u skladu sa kriterijima iz tenderske dokumentacije, pravilno i u potpunosti izvršila ocjenu kvalifikovanosti ponuđača, kao i pregled i ocjenu ponuda.

U postupku ocjene provedenog postupka predmetne nabavke, rukovodilac Ugovornog organa nije našao razloge nepravilnosti niti propuste u radu, koje bi eventualno bili osnov za neprihvatanje Preporuke Komisija za nabavku.

Naime, u postupku je ocijenjeno, da je Komisija za nabavku u svemu pravilno postupila, te da je izbor najpovoljnijeg ponuđača izvršen u skladu sa odredbama Zakona o javnim nabavkama, podzakonskim i općim aktima, tenderskom dokumentacijom i provedenom E-aukcijom.



E-mail: [kucz@kucz.ks.gov.ba](mailto:kucz@kucz.ks.gov.ba) ; [www.ks.gov.ba](http://www.ks.gov.ba)  
Tel.: + 387 33/201-595 ; + 387 33/443-720; fax:033/560-453  
71000 Sarajevo, Hamida Dizdara 1

Uvidom u priloženu dokumentaciju, nesporno je da je izabrani ponuđač najbolje ocijenjen jer je njegova ponuda, nakon provedenog postupka e-aukcije, u ukupnom iznosu od 663.000,00 KM (slovima: šeststotinašezdesetihiljade KM) bez PDV-a, prema kriteriju za izbor (najniža cijena) rangirana na prvom mjestu i ispunjava sve uslove zadane u tenderskoj dokumentaciji.

Iz navedenih razloga, primjenom člana 64. stav (1) tačka b), člana 70 st. (1), (3) i (6) Zakona o javnim nabavkama, člana 8. stav (2) tačka d) Pravilnika o uspostavljanju i radu komisije za nabavke i člana 92. stav (3) Pravilnika o unutrašnjoj organizaciji Kantonalne uprave civilne zaštite, odlučeno je kao u dispozitivu.

**POUKA O PRAVNOM LIJEKU:**

Protiv ove Odluke može se izjaviti žalba najkasnije u roku od 10 dana od dana prijema ove Odluke.

Žalba se izjavljuje Uredu za razmatranje žalbi Bosne i Hercegovine, putem Ugovornog organa, kao prvostepenog organa i to na način propisan odredbama člana 99. Zakona o javnim nabavkama.

Ugovorni organ će postupiti po žalbi na način propisan odredbama člana 100. Zakona o javnim nabavkama.

**Dostavljeno:**

- Svim ponuđačima
- Sektoru za ekonomske poslove KUCZ
- Ministarstvo finansija Kantona Sarajevo
- a/a

**DIREKTOR**

mr. Mustafa Kovač



E-mail: [kucz@kucz.ks.gov.ba](mailto:kucz@kucz.ks.gov.ba) ; [www.ks.gov.ba](http://www.ks.gov.ba)  
Tel.: + 387 33/201-595 ; + 387 33/443-720; fax:033/560-453  
71000 Sarajevo, Hamida Dizdara 1